

# Vuk'uzenzele



Produced by: Government Communication & Information System (GCIS)

English/Sepedi

Phupu 2021 Kgatišo 2



Dreams  
come  
true for  
Tafelkop  
community  
Page 4



Solar power  
energises  
Stellenbosch's  
bright minds

Page 8

## Alert Level 2 to spare lives and health facilities



South Africa has been placed on Adjusted Alert Level 2, as government introduces measures to delay the third wave of the virus.

Addressing the nation recently, President Cyril Ramaphosa said after several months of low transmission, the number of Coronavirus Disease (COVID-19) infections has risen sharply in several parts of the country over the past month.

"The provinces of Free State, Northern Cape, North West and Gauteng have reached the threshold of a third wave of infections.

"It may only be a matter of time before the country as a whole will have entered a third wave," the President warned.

### Health protocols

According to health experts, the rise in new infections is because of an increase in social gatherings where people are not observing health protocols.

These protocols include wearing masks, social distancing, ensuring adequate ventilation and limits on the number of people who attend gatherings.

Other sites of increased transmission are funerals and so-called 'after tears' parties, as

Cont. page 2



To read Vuk'uzenzele download the GOVAPP on:



Search for SA Government on Google playstore or appstore

### CONTACT US

Website: [www.gcis.gov.za](http://www.gcis.gov.za)  
[www.vukuzenzele.gov.za](http://www.vukuzenzele.gov.za)

Tshedimosetso House:  
1035 cnr Frances Baard and Festival streets, Hatfield, Pretoria, 00083



Vuk'uzenzele



@VukuzenzeleNews

Email: [vukuzenzele@gcis.gov.za](mailto:vukuzenzele@gcis.gov.za)  
Tel: (+27) 12 473 0353

FREE COPY NOT FOR SALE



# Afrika Borwa e phegelela go phethagatša pono

**M**engwaga ye 60 ya go feta, ka la 31 Mopitlo 1961, Afrika Borwa ya kgethollo e bile Repablik, ya kgaola kamano ya yona le Mmušo wa Britain.

Mola 'republiki' ka kakaretšo e hhaloswago bjalo ka pušo yeo ka gare ga yona maatla a mantši a swerwego ke batho le baemedi ba bona bao ba kgethilwego, ka Afrika Borwa go be go se bjalo.

Molaotheo wa repablik ya kgethollo o be o botegela Modimo, "yoo a kgobokeditšego bora-kgolokhukhu ba bona go tšwa dinageng tše ntši wa ba fa naga ye bjalo ka ya bona ba le tee".

E be e le Molaotheo woo o ngwadilwego ke ba merafe ye mennyan le go ingwalela ona, gomme o šomišitše tumelo go thekga pušo e šoro.

Molaotheo wo o be o hlaloša tshepedišo ya mmušo, o bolela gore ke bathobašweu fela bao ba nago le maswanedi a go bouta le go ba baemedi ba setšhaba. Molaotheong wo go be go se na Molao wa Ditokelo.

Bontši bja badudi ba naga dihlakwa tša bona di be di sa tšeelwe hlogong bjalo ka ge di beilwe fase go ya mafelelong a mabakatheo a 121 a Molaotheo wo, ka gare ga karolo ya go bitšwa 'Tshepedišo ya Merero ya Bathobaso, bjalobjalo.'

Mo molaetšeng wa go gašwa thelebišeneng, Tonakgo-lo HF Verwoerd o rile: "Re

nyaka tlhabollo ya go nanya ya morafe wo mongwe le wo mongwe wa rena go ya lehlakoreng le itšeng.

Mo tabeng ye, thušo yeo re e hlokago ke ya go bušwa ke mothomošweu."

"Re thaba kudu go ba setšhaba se se kopanego," o begetše lefase bjalo.

Eupša nnete e be e le gore ga re setšhaba se se kopanego.

Re be re le badudi ba naga yeo ditokelo tša batho ba bangwe, khumo le bophelo bja bona di lego matsogong a morafe wo mongwe.

Mengwagosome ye mebedi, Molao wa Molaotheo wa Repablik wa Afrika Borwa wa 1961 e be e le tokomane ya semolao ya kgatelelo ya setšhaba sa Afrika Borwa sa go batamela 90%.


Segopotšo se sa go se thabiše se diregile ka kgwedi ye tee le ye re ketekilego segopotšo sa bo25 sa kamogelo ka Lekgotla la Molao la Molaotheo wa rena wo moswa wa temokrasi, woo e bilego bohlatse bja nnate bja setšhaba sa nnate se se kopanego.

Bjale re na le molao wo motee wa setšhaba se setee.

Mmogo, re ikgethetše mokgwa wa mmušo woo o fago tlhalošo ya nnate go kgopollo ya Repablik.

Re boletše gore ka gare ga Repablik ya rena ya temokrasi, batho bohole ba a lekana pele ga molao ebile ba na le tokelo ya tshireletšo ya go lekana le kholego ya molao.

Lehono Afrika Borwa ke naga yeo tshepedišo ya toka



e beilwego diatleng tša dikgorotsheko tše di ikemego le boahlodi bjoo bo laolwago fela ke Molaotheo. Re phela ka gare ga naga fao bohole ba nago le tokelo ya go ya dikgorotshekong go kgotsafatša ditokelo tša bona.

Re dula ka nageng yeo ditšhaba di kago tleima semolao naga yeo ba tlošitšwego go yona ka kgapeletšo, le fao batho goba malapa a šireleditšwego kgahlanong le khudušo ye e sego ya semolao go tšwa magaeng a bona.

Re dula ka nageng yeo bohole ba dumelitšwego go phethagatša ka tokologo setšo sa bona. Ke naga yeo mang le mang a nago le tokelo ya go ipelaetša ka tokologo mererong ya mekgatlo ya leago, ya sepolitiki le mererong ye mengwe ka nageng.

Tokelo ya Molaotheo wa rena e theilwe godimo ga mmušo wo o nago le mai-karabelo, fao Boetapele bja Mmušo bo ikarabelago bahlankeding ba Palamente e lego bona kemedi yeo e kgethilwego ke batho go ba

emela ka Palamenteng.

Ke naga yeo molao o šomago ka go lekana go badudi ba bangwe le ba bangwe. Bjale re na le mmušo wa batho, wo o šomelago batho, wo gape o bušwago ke batho.

Ge pušo ya kgethollo e be e bontšha ka makoko molaotheo wa yona wa semorafe lefaseng ka moka mengwaga ye 60 ya go feta, e be e nagana gore e tla kgotlelela.

Ka gare ga lengwalo la go ya go Verwoerd le le sego la fetolwa kgwedi pele ga ge repablik e hlongwa, Nelson Mandela o be a tiišetša kgano ya mokgatlo wa tokologo ya gare ga ba nyake go ba le Repablik yeo e bušwago feela ke bathobašweu.

O rile ga go na Molaotheo goba mohuta wa mmušo wo o kwanelwago ka ntle ga go kgathatema ga batho ba Maafrika wo o tla retwago gore o na le botho.

Go bile fela bjalo, ga go na mokgwa woo o šitišago ditokelo tša batho woo o kago kgotlelelwa. Le ge e le gore e bile mengwagosome ya ka godimo ga ye meraro pele

dinyakwa tša mokgatlo wa tokologo di fihlelelwa, mafelelong re fihleletše tokologo ya rena.

Ge re lahlela Molaotheo wa kgethollo ka ditlakaleng tša histori, re ineetše go Molaotheo wo moswa le go maitshwaro a maswa. Ge ke be ke eme ka lefoko Lekgotla la Molaotheo mengwaga ye 25 ya go feta, ke rile Molaotheo wa rena o swanetše go se be mantšu fela ao a ngwadilwego pampiring; eupša o swanetše go ba kgontha maphelong a setšhaba sa rena.

Ntle le gore re dire bjalo, tokomane ye ya kgatelopele le khuetšo ye kgolo e tla dirwa gore e se sa ba ya maleba le mohola.

Re tsere sephetho kgale gore re nyaka go ba setšhaba sa mohuta mang. Ke setšhaba seo se hlomilwego ka gare ga seriti sa batho, tekano, tokologo le go se kgetholle.

Lebaka la kotara ya ngwagakgolo re be re šoma go aga setšhaba se se bjalo.

Re dirile kgatelopele ye e sa ganetšegego, eupša re sa ntše re na le ditlhohlo tše ntši ebile go sa ntše go na le mošomo wo montši wo o swanetše go dirwa.

Ge re keteka segopotšo sa kamogelo ya Molaotheo wa rena wa temokrasi, a re gopoleng gore re tšwa kgole bjang fao re bego re le ka fase ga mmušo wa semorafe, wa tirišompe, wo o re amogilego dithoto le dinaga le wo o kilego wa re bea ka fase ga kgatello.

Gape a re gopoleng gore go mo magetleng a rena go dira gore pono ye e lego ka gare ga Molaotheo wa rena e be ya nnate.

Gore re be setšhaba seo se kopanego ka nnate, re swanela go kgonthiša gore Maafrika Borwa ka moka ba kgona go šomisa ditokelo tša bona tša molaotheo ka tokologo. 1

# Ditoro di fetoga nnete go Setšhaba sa Tafelkop

**S**Sehlopha sa balemi ba bathobaso go la Tafelkop kua Groblersdal, Limpopo, ka boikgantšo ke beng ba diekere tše 189 tša naga, yeo ba bego ba ntše ba e lema mengwaga ye 25 ye e fetilego.

Balemi ba 30 ba ba amogetše dithaetlelediti tša naga go tšwa go Mopresidente Cyril Ramaphosa ka morago ga gore Kgoro ya Mešomo ya Setšhaba le Mananeokgoparara e e fetolele go ba ya kaboleswa ya naga.

Naga ye e na le boleng bja ka godimo ga R25.5 milione eupša e neetswe balemi ba mahala.

"Le ke letšatši le legolo ka nnete go setšhaba sa Tafelkop, go batho ba Limpopo le Afrika Borwa ka bophara.

"Lehono re hlatsela go phethagatšwa ga toro ya setšhaba. Ke toro yeo setšhaba se se feditšego mengwaga ye 25 ya go feta se e lwela gore e phethege," go boletše Mopresidente moletlong wa neelano.

Balemi ba lemile ka katlego ditšweletšwa tša go fapano tša temo godimo ga naga ye go tloga ka 1996.

Ba ipopile sehlopha ka bo1990 gore ba ngwadišwe bjalo ka balemi ba kgwebo ka fase ga leina la Tafelkop Farmers Association gomme ba thoma go boledišana le mmušo.

Ka 2000, Kgoro ya Temo ya Bosetšhaba ya nako yeo e tsenetše dikwano tša khirišo le Tafelkop Farmers Association go ya ka Lenaneo la Tlhabollo ya temo la Kaboleswa ya Naga. Ka 2009, Kgoro ya Temo ya maloba ya Limpopo e šišintše go Kgoro ya Mešomo ya Setšhaba gore naga e fetišetšwe go balemi.

Dithaetlelediti di ngwadištwe ka maina a balemi mathomong a ngwaga wo.

Naga ka se sebaka e šomišwa go lema motšoko, leoko-di le merogo le dienywa.

Malapa a 32 a iphediša ka naga ye le mediro ya temo, e lego seo se hloletšego bašomi ba 128 mešomo ya sammaruri



Mopresidente Cyril Ramaphosa o na le balemi ba go tšwa Tafelkop, Limpopo, bao malobanya ba amogetšego dithaetlelediti tša naga ye ba e lemago.

le bašomi ba 320 mešomo ya nakwana.

## Toka go setšhaba

Mopresidente o rile setšhaba se kgotleletše mathata a manši mengwaga ye ka moka gomme "dithaetlelediti di tliša toka go setšhaba se se amogilwego".

"Ga se re lebale magato a go amogwa, go uts wetšwa naga le go khudušwa ka kgapeletšo ao badudi ba setšhaba se le ditšhaba tše ntši go kgabaganya naga ba kilego ba itemogela ona.

"Ge re sa lebale bohwa bjo thata bja temo mo Limpopo, fao badudi ba polasa ba bego ba gapeletšwa go ba bahiri ba go šomela polasa nageng ya borakgolokhukhu ba bona, ebile ba sa dumelwelwe go ba beng ba naga gore ba fepe malapa a bona goba go fudiša diphoofolo tša bona."

Otlaleleditše ka gore bašomi ba bathobaso ba dipolasa ba be ba šomišwa gampe le go tlaišwa mo profenseng ye, yeo e bego e bitšwa Northern Transvaal mo malobeng.

"Re gopola gape gore

mmušo wa kgethollo o thekgile bjang balemi ba bathobasewu ka didirišwa, thekgo ya setegeniki le phihlelelo ya sekoloto gore ba kgone go aga dikgwebo tša bona, eupša balemi ba bathobaso ba go iphediša ba be ba goga boima gore ba atlege."

## Go fetola intasteri ya temo

Mopresidente o rile go fetišetša naga go hlohleletša kholofelo gobane go laetša gore ka thekgo ya maleba le menyetla, intasteri ya temo e ka fetolelwa go hola naga.

"Re keteka kgatelopele ya rena, gobane letšatši le letšatši Lenaneo la rena la Peakanyoleswa ya Naga le a matlafala.

"Go fihla ga bjale, mmušo o abileleswa diekere tša go feta tše dimilione tše hlano tša naga, go palomoka ya dipolasa tša go balelw go tše 5 500, go baholegi ba ka godimo ga 300 000."

Go fihla ga bjalo, tshepetšo ya pušetšo ya naga e hotše bakgopedi ba naga ba go feta dimilione tše pedi gape

e feleeditše ka phetišetšo ya diekere tša go balelw go 2.7 milione.

"Peakanyoleswa ya naga ga e a lebelela fela kgahlego ya go phosolla tša maloba, go tliša toka le go dira gore setšhaba se phedišane.

E lebeletše gape le tlhabollo ya ikonomi. Temo le lekala la temo di swanetše ebile di a gapeletšega go fetola diikonomi tša selegae," go boletše Mopresidente Ramaphosa.

Mmušo o beakanya go hloma etšentshi ya naga le peakanyoleswa ya temo go akgofiša peakanyoleswa ya naga.

"Re lebelediša gore dipholisi tša kgale di be di šoma bjang. Re ya go šogana le taba ye ya peakanyoleswa ya naga ka pelapela."

## Go lokiša diphošo tša kgale

Mopresidente o rile mmušo o šoma ka thata go phosolla seo se kilego sa phosagalakong ya kgethollo le go phosolla diphošo tše di dirilwego go tloga mathomong

a temokrasi.

"Re dira se go hlompha bao ba phetšego le rena; bao ba kilego ba dula mo."

Peakanyoleswa ya naga e bohlokwa mo go direng gore naga e be le dijо tše di lekanego, mo go ageng ikonomi ya go akaretša batho ka moka, le mo go ageleng Maafrika Borwa ka moka bokamoso bjo bokaone, go tlaleeditše Mopresidente.

O hlohleeditše balemi ba Tafelkop go šomiša naga ka bohlale le gore ba e šomiše ka tsela yeo e tla holago setšhaba sa bona.

"Gonna, lehono e bile letšatši le le kaonekaone mošomong; go tla mo ka nama go tla go bona ditšweletšwa tša lena.

"Ga ke na pelaelo ya gore ka boineelo le maatla a bohole ba ba amegago, protšeke ye e tla tšwelapele go atlega," o boletše.

Modulasetulo wa Tafelkop Farmers Association Jerry Sefolosha o lebogile mmušo ge o kgontšhitše balemi go ba bengnaga ye ba e šometšego mengwagosome ya go feta. 